

15. juni 2008

**Inatsisartut suleriesianni § 36, imm. 1 malillugu ima Naalackersuisunut apequteqaateqarpunga:**

1. Naluneqanngilaq nunaqarfinni ikuallaavippassuit ajortut. Avatagiisini ammasumi eqqagassanik ikuallaasarneq piousoq annertuunik avatigiisinut peqqinnissamullu ajortumik kinguneqartarpoq. Naalackersuisut avatigiisinut peqqinnissamullu kingunerisat naluneqanngitsut pillugit nassuiaateqaqquneqarput. Aammattaaq paaserusuppara nunaqarfinni ikuallaaveqarneq pillugu kommunit kivitsinissaat qanoq Naalackersuisut qulakkeerneraat.
2. Naalackersuisut malillugit kommuninut kinguneqartitsisoqassava eqqaavilerinermut tunngatillugu akisussaaffik kivinneqanngippat? Taamaattoqassappat suut kinguneritinneqassappat suullu aaliagiinermut tunngavigineqarlutik?
3. Ullumikkut nunaqarfiit qassit ingerlasumik ikuallaaveqanngillat? Uani aamma paaserusunneqarpoq nunaqarfiit qassit eqqagassanik ikuallaaveqarnatik avatagiisinut ammaannartumik ikuallaasartut.
4. Eqqaavissuarninngaanniit ikumatitsinermi silaannarmut aniatitat ulorianartut nunarsuarmioqatigiit piumasaqaataannut sanilliullugit sumi inissisimappat? Silaannarmut aniasinnaatitaanerup killissai qaangerlugit aniatitsinermi piffinni ataasiakkaani nunaqartunut qanoq kinguneqartitsisinnaappat? Uani nassuiarneqassaaq nunaqarfinni eqqaavissuit nunaqarfinnut qaninneranni kingunissat peqqinnissamut navianarsinnaasut tamaasa.
5. Naalackersuisup 6. marts avatagiisinut ataatsimiititaliaq ilisimatippaa suleqatigiisitamik ingerlasoqartoq paasiniaasussamik illoqarfimmiit illoqarfimmut immakkut angalasoqarsinnaannginnersoq saviminernik eqqagassat eqqagassallu aginerit katersussallugit. Naalackersuisup suliap sumut killinnera taamani misissorpaa. Naalackersuisup inerniliaq paasisimanerlugu – taamaassappallu qanormita inerniliisoqarpa?
6. Naalackersuisut inatsisartut inatsisissaattut siunnersuummut 2009-mut illoqarfinni nunaqarfinnilu eqqaavilerinerup aningaasalersornissaannut siunnersuuteqarniarnerlutik?

**Tunngavilersuut**

Aput aapajaareerpoq aasarlu tullinnguulluni. Ivikkat qorsuit malunnarsipput timmissallu tusarsaalerlutik. Ila nuaneq nunarsuarmi pinngortitat ”eqqilunnerpaartaani” najungaqarluni avatagiisigut ataqqillugit inuulluta. Tassa Kalaallit Nunaat nittarsaanniaraagatsigut ilaatigut taamatut oqartarpugut. Ilaatigummi aamma ilumoortorta qarpoq piffinni ataasiakkaani sanaartukkat qimallugit pinngortitamut pingaangatta.

Kangerlussuarmeeqqammivunga. Eqqaavissuaq avatagiisinut ammasumik inissisimasoq eqqagassanik ikuallaavik nunaqarfinmiit 200 meterit missiliorlugit inissisimavoq piffianilu pinngortitaq eqqagassaaqqanik teqqaasunik sumi tamaani ulikkaarluni – naak pinngortitaq kusanaraluaqisoq. Eqqagassat! Tassa tamakkua nalunnginneqaatissagut? Eqqagassanut

silaannarmullu ulorianartunik aniatsitsisartunut angerlarsimaffik malitsigisaanillu ilimanaannarmik innuttaasunut napparsimalertitsisartut.

Kangerlussuaq pinngortitamik kusanaqisumik avatigiiseqartoq tutunuk umimmannillu pisuussutilik. Kangerlussuarmi takornariaqarneq kommunimut ajunngitsumik ilalersuutaasoq soorluttaaq takornarissat aamma tassaasut ilaatigut sanalukkanik tuniniaavigisinnaasagut.

Uani Kangerlussuaq assersuutitut atorpara kisianni ajornartorsiut Kalaallit Nunaat tamakkerlugu atuuppoq. Ukiut tamaasa piffinni ataasiakkaani oqallinneq pisarpoq. Kisiannili annikeqaat eqqangassalerineq naammaginartumiitinniarlugu pisortaniit iliuuserineqartartut. Piffissanngunnginnerpa Namminersornerullutik Oqartussat nunaqarfinni illoqarfinnilu minnerni ikuallaaveqarneq aaqinniassallugu akisussaaffik tiguinissaanut?

Ilisimaarivara kommunit ataasiakkaat nunaqarfinni ikuallaavinnik sananeq, ingerlatsineq aserfallattaaliuinerlu akisussaaffingaat. Kisianni takusinnaasatsitut ikuallaaveqarpoq ajortunik ingerlanngittunilluunniit. Piffissanngorpoq Naalakkersuisuniit iliuuseqartoqarnissaanit.

Marie Fleischer  
Attaviittoq